

պարհն, թէպէտ դժուարին է, թէպէտ նեղ եւ  
 անձուկ է, թէպէտ վիշտ է յանհաւատից, եր-  
 կիւղ յԱրարացոց, հալածանք ի Տաճկաց եւ  
 այլն. այլ զի համեղ ես, ախորժ ես, հաճոյ ես <sup>100</sup>  
 եւ լի շնորհօք ես եւ Տէր ի քեզ է միշտ եւ յա-  
 լիտեան. մի, մի եւ մի սուրբ Երուսաղէմ, ըն-  
 տիր քաղաք եւ պատվական, սիրեցեալը յա-  
 մենեցուն եւ զովեալը յամենայնի, համբա-  
 լեալ, հոչակեալ եւ փառաւորեալ, մեծարեալ <sup>105</sup>  
 ի հայրապետաց, պատվեալ ի թագաւորաց:  
 Ո՞վ է որ զքեզ ոչ զովէ, ո՞վ է որ ոչ պատվէ.  
 զի դու ես փառք եւ պարծանք ամենայն աշ-  
 խարհի եւ ամենայն քաղաքաց մայր. ապաւէն  
 եւ յոյս ամենայն քրիստոնէից, մաքուր ա- <sup>110</sup>  
 զաւնի. եւ ինձ հիքոյս յոյժ բաղձալի. որ  
 բաղձամ, տենչամ եւ միշտ փափագիմ ի  
 մարմնի միւս եւս տեսանել զքեզ. կամ թէ  
 այլ ոչ հեռանալ ի քէն: Ով սրբութեանց  
 սուրբ, հոգիս իմ ըղձայ եւ ցանկայ տեսոյդ <sup>115</sup>  
 քում բաղձալի: Արդ հեռանամք ի քէն սուրբ  
 մայր. զնամք, զատիմք, որոշիմք, բաժանիմք.  
 եւ երթալն մեր յոյժ սուգ եւ տրտմութիւն է  
 մեզ. եւ զրկիլս մեր, քաղցրի՛կ քաղաք, ի քէն  
 է ցաւ. եւ այնպէս է, որպէս զրկիլն Աղամայ <sup>120</sup>  
 ի դրախտէն փափկութեան: Մի մոռանայր  
 զպաշտօնեայս քո եւ արժանի արա կրկին տես-  
 լեան քո:

98 յանձուկ... անհաւատից: — 99 արարացոց:  
 — 108 ամենեցուն: — 109 ամենայնի: — 115 ըղձա: